

錢海岳撰

南明史


第十二冊

K2

三三三

南明史

！



錢海岳撰

南明史

第十三册 列傳
卷一百一十至卷一百八

中華書局

南明史卷一百一

列傳第七十七

無錫錢海岳撰

忠義一

明自延綏兵起，崑岡之炎，玉石俱燼。人知必死，懼而自保自裁者，果否激於義，吾無以知之。若清兵南牧，勳戚大臣、封疆守土，委符冊、獻版籍、望塵泥首者，即膺高爵，仍故官，印累累、綬若若矣，不則男僇女俘，妻子滅，家室毀，降固可以生而富貴。而一時疏逃微員、斗粟末食、山谷退士、子衿處士、鄉社韋布、要荒土司、窮簷蔀屋，以朝不坐、宴不與之身，無不裹糧跣踵，流涕書檄，沒虞淵而取墜日，攀龍髯而薈螻蝻，赤族不悔，鼎鑊如飴。以一郡抗者，有揚州、金華、忠誠、南昌、廣州；以一縣抗者，有江陰、嘉定、涇縣；以孤島彈丸抗者，有金山、舟山。一息存以一息抗，寸土存以寸土抗，自書契以來，未之有也。豈諸人之心，以爲不如是則天軸絕、地維抑、人類滅，故椎心泣血，而不共三光，以立人綱人紀歟？

抑太祖褒卹余闕，歸蔡子英，黜危素，追討蒲壽庚，教忠之垂訓遠歟？嗚呼，何其盛耶！

余爲忠義傳，列死於清兵者爲上，死內難者次之。其能執干戈以衛社稷者，雖人奴、方外亦書之，重死事也。而姓氏湮沒，不能盡述，所謂存什一於千百，然亦足以示勸矣。

嗚呼！明清之際，內憂外侮，如壘斷然，烽燧所至，積骸成山，灑血成渠，鋒銛矢鏃，萬死一生。當日蒸黎，如魚在釜，然愈抗愈殺，愈殺愈抗，清人如隕山走丸，勢不得中止，惟至血肉已盡，形影都消。死者浩然死，生者忿然傑然，迄不少沮。一時之生終死，一時之死終生，而清之計固已窮矣。

夫平時無犯顏之士，臨難無仗節之人，其漸漬厲磨者，豈一時一夕之故哉！養士者鑒諸！

徐三癩脚 蔣爾恂 王道士 韓五桂等 李筱周 李潛 劉養威 何陽春 劉佚客 張治邦 王成
宇 冉才美等 趙良玉等 韓上桂 子騏超等 汪鐘鳴 錢國瑞 張守約 趙爾圻等 劉爲衡 朱國
彥 丁啟宗 張祖恒 馬德良等 桑開基 唐文運 黃豹文 王與胤 子士和 呂宮 馮時英 牟華
野等 唐賓 周永明 孫國顯 劉武聚 趙振極 陳主忠 丁桐 朱啟明等 王曦如 孔興聖 光岳
奇 劉芳聲 王勵 周啟魯 袁登觀 王劭等 王業新 李篤之 陳希程等 毛秉正 高冲斗 丁之箕

丁焯然等 劉爾調 蘇州璞等 王永沂 邵周達 張日新 張雲龍等 胡來順 王翰英 劉潤 王
 嘉護 趙允成 張毓謙 楊師德 李丕修 劉嘉禎 范謙亨等 山水俊 沈迅 弟迓 來儀等 李承
 胤 李景隆 七乞兒 宋偉 子佳蔭 桑拱陽 景星 趙天騏 韓所得等 孫國楨 文襄等 閻之徽
 荆爾樞 劉見龍 葉成才等 石陞 房建極等 韓友范 秦四器 王被徵 姬生 王六泰 王鼎安
 等 王雲聲 席增光 趙世英 單允昌 倪國寶 胡多見 張行敏 唐之英 陳朝紀 朱光見等 陳則
 從 王耀祖等 彭之燦 從子通 牛德富 岳兆鳳 王永隆 阮泰 李豫 張國光 古爲己 理安和
 等 郭孟秀 高廷寶 李弘宗等 冉中儉等 張瑾 吳汝琦 鄭之後 張垣等 劉國會 劉燧 張
 琇 姚兆豸等 萬以忠 王道濟 程富 潘中立 莊仲祥等 高甲 程懋衡等 程履端 張克祥等
 王養心 羅霖 安廣居 孫源文等 平若衡等 計翼照 任聘年 江陰實餅叟 許琰 尹明徵 顧延
 灑 湯傳楹 洞庭山樵 陳大同等 龔立本等 屈坦之 祝舜齡等 戴允曦 顧國縉 陳藩 顧明德
 劉世芳 陳公誥 姜金國 周日耀 方承宣 吳蒯 徐顯問 劉必登等 葛天喬等 汪鯉 汪有震
 楊無塾 高翰冲 王載鴻 趙炯然 吳煜 何剛 從兄安民 何蜚 任民育 曲從直等 段振文
 王纘爵 子兆豸 周志畏 從弟志嘉 胡傳 羅伏龍 倪國祥 楊時熙等 黃鉉 吳道正 王志端
 等 李自明等 陶孔教 周之達 談三傑等 保薦等 陸人龍 劉爾郊 華壯輿 高鏐 何文郁 魏樾
 等 高孝纘 唐迅之等 王士琇等 宋祥遠等 韓默等 張映發等 鄒蘇 趙璘 饒餘等 陳三益等

吳昞等 何鑾龍等 閻汝哲等 劉慶遠等 朱虎燮等 劉成治 劉邦弼 黃端伯 吳嘉胤 子
欽章等 龔廷祥 劉萬春等 黃鍾斗 陳燠等 韓國柱 黃龍躍 陳于階 方樹節 徐九錫 劉斌
龔業新 吳可箕 程杰 黃金璽 潘履素 應之爾等 徐必選 陳士達 方岳鍾 董啟明 細柳巷瓦
匠 曹存性卒 柳昌祚卒 牧馬卒 姚忠 馮小璫 鸞鷲和尚 愧二 印公等 曾淳化 劉方茂 魯
兆龍 顧德元 趙弼經 朱祚元等 許士楷等 史直 歐敬竹 石土鳳 貢獻祚 董元哲 陶鼎 陶
士立 陶承先等 張纘等 吳渭等 薛奇 吳守棟 張明書等 吳初轡等 許王家 宋學張 顧若齊
許暉 顧所受 殷獻臣 孫嗣芳等 劉宜言 劉一紀等 伍俊 金逸甫 金先聲 王統 蔣垣等 陸
玠 王逢 范祖生 劉座等 顧允永等 素純 文震亨 從子乘秉等 尹曄 楊懷玉 馮延一 劉
敷等 汪俊耆 錢禧等 毛允益等 沈貞之 綏廷獻 金必達等 張國學等 蘇州儒士等 蘇州老人
顧貞直等 王希 周邦彥等 周之蘭 閻應元 許用德等 陳明遇 邵康公 程璧 王之任 馮厚敦
潘文先 沈鼎科 戚勳 戚京 袁一義等 顧叔薦 夏維新 王華 呂九韶 楊樞等 蔣神乾 姚赤
文 王錫黼 黃允茂 王允貞等 馮鈇等 謝永剛等 周應元等 顧齊程 王永光等 陳廷獻等 黃鳳
歧 張之英等 月禪等 金允鏗等 高明德等 章懋賢等 張維禎等 王清芳 黃楷 邢漢 董臣虞等
李問政等 方有聲等 章重光等 陳式玉等 馬遇伯 曹有章 耿鳴雷等 沙志賢等 顧大本 趙應
選 劉因可 宋玥 程永清 朱隆桃 黃楚勳 王從讓等 王廷材等 祝有明等 沈鳳章等 夏嘉祚等

王明儒等 陳永譽等 張鼎等 祝有春等 曹燧 王宗賢等 耿潤玉等 周高起 吳積鈺 朱倫召等
馮士仁 徐亮工 徐登階等 于皂隸 黃憲等 周日休 煎海和尚 張達 周新所等 顧杲 高明
瑄等 周天霞等 周起瑛等 鮑大全等 華葆素 華應鶴等 嚴紹賢 嚴一騏 徐念祖 翁元益 嘗
壽凝 徐禎稷等 奚士龍等 章元復 蔡樞等 吳中秀 朱家臣等 姚臺等 錢毅 董夢金 陸厚元
瞿乞某 顏起鳳 申浦 吳期伸 林鍾等 儲邦輔等 李允新等 徐驥 朱巨卿 朱甲 沈寧祖 蘇流
殷登 沈夢丹 蔡九韶等 楊謨 從子焜 周鏃 王明灝 王崇圖 王榮圖 王汝紹 徐搏 湯士
鼐 鄒淑 冷之曦 賀向峻 汪參 史虞侯 袁先 王允升 史澤 蔣舒 蔣雲卿 康三省 狄奇節

徐三癩脚，河間人。業農，不識字。及長，痘疔癩其脚，故以癩脚爲名，行三，人皆曰徐三癩脚。清兵陷北京，北直士民紛紛起義，癩脚泣對其父曰：「我家胡不起義？」父曰：「癩兒，我鄉人也，而安於農，起義何爲？」癩脚曰：「懦夫！懦夫！」疾走村學究，所問「忠義」二字書法；學究寫二字與之歸。即裂白布一幅，照前點畫大書二字於中，明日揭竿標之門，號召諸少，大呼起義。父知之，驚墜床下，裂布折竿，大唾面曰：「我一家幾死於爾也！」癩脚氣涌卧床無言。喚之起，不應；與之食，傾於側。積五日，母探之，癩脚已僵矣，告其父曰：「癩兒胡以死？」啟其床，五日之飯粒粒猶在。

蔣爾恂，字篤生，蠡縣人。父戶部主事範化，崇禎十一年清兵至，死難。爾恂痛哭誓復仇。少補諸生，工騎射，力絕人。嘗道遇四盜，劫婦女，一矢殪之。土豪欲爲難，大會，立斬三人座上。威宗崩，散財結死士，言君父仇，輒泣下。清初定，北京所在守令貪橫，爾恂憤惋形於色。一夕，遇走卒，自言殺範化者即其父也。爾恂乃陰監其姓氏，欲起衆殺之。先是，有王道士者，負異術，諸健者請以爲魁。曰：「我不能魁爾事也。顧亦未見可魁者。」衆曰：「聞蔣公子嘗配舉事，盍投之？」道士曰：「善。」遂與其人謁爾恂。爾恂許之，遂共立爲渠，時永曆元年三月，乃稱大明中興元年。捕卒，磔而祭父。遠近聞之，以爲蔣公子爭起義，旬日得二萬餘人。與韓五桂東復河間。將入山東，清兵大至，戰敗投水死。

道士，山東人。

五桂，高陽人。精槍法。約同志數百人從爾恂復河間。孤軍力戰，與李茂恒、晏子姜同死。

當北京陷後，北直死義者：李筱周、李潛、劉養威、何陽春、劉佚客、張治邦、王成宇、冉才美。

筱周，高陽人。好劍術，陰合志士。事露，攻高陽敗，執死。

潛，字龍吉，欒城人。諸生。入太學。家饒散財，結客恢復。事敗，杜門力學。晚知志

不遂，爲醫。久之，不食卒，年七十二。

養威，獻縣人。世襲千戶。日練兵恢復。痛哭七日不食死。

陽春，青縣人。諸生。泗州學正致仕。北拜自經死。

佚客，字年逸，滄州人。諸生。經史草篆。自經死。

治邦，曲周人。官守備。同列走，起兵攻天津，戰死。成宇，深州人。走與邑人翟四起兵，兵敗死。

才美，曲陽人。崇禎十七年五月，以幾百人屯牧山寨。未幾，收高進孝，執夏克符，申紀。後敗死。

又，順天趙良玉、徐清，遵化張棟隆，沙河段煥然，保定党國賓、趙高明，真定趙治國，宣府張守奐，後以不薙髮死，事皆不詳。

韓上桂，字孟郁，番禺人。萬曆二十二年舉於鄉。歷定州、易州學正，轉南京國子博士助教、監丞。久之，出爲如皋知縣，遷永平通判。遼撫方一藻薦，陞建寧同知留餉邊。北京亡報至，不食，卒於寧遠城，贈福州知府。子騏超，字公弁；駿超，字公良，皆去諸生終。

同時，北直死難者：汪鐘鳴、錢國瑞、張守約、趙爾圻、劉爲衡、朱國彥、丁啟宗、張祖

恒、馬德良、桑開基、唐文運、黃豹文。

鐘鳴，字鼎如，休寧人。好義振。授文華殿中書，餉代州，廉守無私，加大僕少卿。使薊歸，號哭死。

國瑞，字開先，武進人。崇禎三年舉於鄉。授醴陵知縣，拒臨藍燕子窩寇有功，調河間，招亡勸耕。陞給事中，未至憤死。

守約，字日唯，三原人。萬曆二十八年舉於鄉。歷聞喜、陽信知縣，沁州、宣府同知，赤城僉事，盡心守拒，不食死。

爾圻，字千里，廬陵人。恩貢。從李邦華撫左良玉軍，授台州推官。未行，北京危，倡議太子南遷，不果。南走至德州，悲憤死。子幼襄，字符子，去諸生，與叔禮部巖，爲僧青原。

爲衡，字鑑寰，開州人。萬曆四十六年舉於鄉。歷揚州同知歸，坐土穴自蔽死。

國彥，三河人。薊鎮三屯營總兵。北拜自經死。

啟宗，字孟榮，麗水人。諸生。英勇，善弓馬，以守備從朱大典、馬士英破寇，禽劉超，

陞參將，鎮紫荊關。北京亡，力守，不應招。聞安宗立，懷印南走。至易州，受圍，突出，手刃數人，被執死。

祖恒，肥鄉人。諸生。世襲千戶。賦詩經死。

德良，保安人。崇禎六年舉於鄉。家遼東，躬耕不仕。涕泣死。妻朱殉。弟德變，妻父，亦同經。

開基，字二南，玉田人。廩生。孝友，寇不敢犯，憤懣死。

文運，密雲人。諸生。自斃死。

豹文，字于變，內黃人。自經死。

王與胤，字百斯，濟南新城人，象晉子。崇禎元年進士，改庶吉士。遷湖廣道御史。總兵鄧垓殺良冒功，抗疏欲斬之，忤閣臣意，謫江西按察知事，歸。北京亡，自作墓銘，辭父，從先帝殉社稷。食腦子不死，赴水不死，偕妻子經於室不死，至四月二十六日始絕。

子士和，字允協，諸生。當與胤求死，或諷乘間譬解。曰：「此世間好事，汝曹安用喋喋！」為賦絕命詞，亦從死。

邑人呂宮，諸生。與妻田經死。

同時，馮時英，字平庸，章丘人。孝廉方正。歷刑部主事、遼東都司指揮僉書管經略大廳，與當事不合歸，嘔血死。

邑人牟華野，諸生，聞變死。妻甄，從殉。牟瑞野、穎野、興春亦死。

唐賓，字敬所，滋陽人。諸生。魯府典籍，歷事四王。以海南行，隨至南郊，王以老止之。泣曰：「臣當死報國，不忍王獨去也。」自經死。

周永明，字孔炤，金鄉人。諸生。佐拒白蓮寇、峒寇，杜門憤死。

孫國顯，字瓚峨，單縣人。選貢。素服哭七日不食死。妾鮑，自經。

劉武聚，城武人。武生。自刎死。

趙振極，曹縣人。諸生。自剄死。

陳主忠，蒙陰人。諸生。曰：「先人以主忠命名，豈預知今日耶！」乃自經死。

丁桐，字鳳梧，濰縣人。諸生。力守全城，望闕北拜經死。

朱啟明，字東旭，襄陽人。以貢入京師。至臨清，得北京亡信，號痛披髮，餓三日死。

妻宋，及家人六，水死。二僕長年守信，護喪歸葬，自經墓側。弟開明，亦不食死。

王曦如，字御赤，即墨人。諸生。北京亡，痛哭文廟，杜門養母。母歿而南京亦亡，嘆曰：「爲大明臣，義當死。偷生，所學何事？」遂遺書告子曰：「吾身爲親之子，即爲君之臣。天地大經，無貴賤，一也。我生不辰，當茲酷亂，貪微生而害義，不可。以爲臣，然親不忍遺，故寧蹈不臣之罪以養母。服母服而殺身，不可以爲子，然君不忍後，故寧蹈不子之罪。」

以殉君。是余之苦心，余之大罪也。」遂自經死。

同時，孔興聖，曲阜人。諸生。北京亡，狂哭，踰年自經死。

光岳奇，字平子，陽信人。諸生。工詩。棄衣冠，披髮狂走。市人曰：「髮不宜委地，難之便。」曰：「吾知之。」號泣投井死。

劉芳聲，字東華，濰縣人。崇禎十五年武舉第一，守城有功。北京危，上疏請效死，不報。已召見。檄至，聞北京亡，辭家至南京，後不知所終。兄詒覓之，見於野店，相持而泣，忽見壁大書聯曰：「舊主恩難報，孤魂痛未消。」卒不反而死。

王勵，文登人。諸生。衣寇痛哭，數日不食死。

周啟魯，字牖蒙，寧陽人。諸生。有武略，授徒汶上。清兵至，知縣招守城。城陷，不屈死。

袁澄觀，青城人。諸生。日夜號泣，不食死。

王劭，諸城人。諸生。與妻王，執，大罵死。

邑人王業新，諸生。刃死。妻范，并死。

李篤之，字元相，長山人，化熙從子。崇禎九年舉於鄉。任俠好義，弘光元年憤死。

陳希程，字宗雒，嶧縣人。太學生。與諸生陳暹同死。

毛秉正，掖縣人。諸生。忽忽若有所失，半夜號泣，投海死。

高冲斗，字振北，海豐人。廩生。不食死。

丁之箕，字幼水，霑化人，郎中鳴陞子。歲貢。習掌故，好交結，黃道周、艾南英重之。狂疾死。

邑人丁焯然，與兄煥然，子太樸，不薙髮死。

劉爾調，鄆城人。廩生。不食死。

蘇州璞，濮州人。崇禎十三年舉於鄉。與濟寧王進西，蒲臺彭進嘗，登萊劉恒、王景明，山東張從仁、韓清、辛見國，諸生田逢收，皆以不薙髮死。

王永祁，字眉仲，紹興山陰人。副貢。授招遠知縣，平李廷實、李鼎鉉亂。弘光元年二月九日，清兵至，傳檄降則仍故官，三日不下則屠。永祈多方堅守，至十三日，援絕糧盡，北拜自刎。兵至，見永祈危坐，趨視之，形如生，口目盡張，皆驚愕去。

當清兵陷山東，文武官及鄉官先後死義者，有邵周達、張日新、張雲龍、胡來順、王翰英、劉潤、王嘉護、趙允成、張毓謙、楊師德、李丕修、劉嘉禎、范謙亨、山永俊云。

周達，禹城人。萬曆三十一年舉於鄉。授知縣，不仕。清逼起用，不屈死。

日新，浙江人。歲貢。齊東教諭。城陷，與子堅不屈死。

雲龍，山西人。舉於鄉。單縣知縣。白廣恩至，與典史連士章罵寇死。

來順，大高衛人。世襲指揮僉事。聞變，曰：「世受國恩，忍污命耶！」冠帶投井，獲救。遁跡，去姓名爲僧死。

翰英，威海衛人。自鎮撫歷嵩棚守備。爲威宗發喪，浮海南渡死。

潤，滋陽人。福山教諭，執死。

嘉護，福山人。世襲千戶。一門死。

允成，安東衛人。世指僉事。悲號死。

毓謙，鄒平人。鴻臚序班，忤奄歸。北變，痛哭八月卒。

師德，字伯昭，招遠人，詹事觀光子。諸生。任內閣中書。家居悲瘁死。

丕修，字如初，萊陽人。崇禎十三年進士。行人歸，抑抑不食死。

嘉禎，字永符，武定人。天啟元年舉於鄉。尉氏知縣，以循良稱，致仕。清強起永康知縣，不就，叫号投井死。

謙亨，魚臺人。歲貢。睢寧丞歸。衣冠坐堂上，與二子諸生魯男、曾勇同死。

永俊，黃縣人。歲貢。冠縣訓導。勺水不入口死。

沈迅，字公餘，萊陽人。崇禎四年進士。授新城知縣，調蠡縣，育才稱盛。九年，清兵圍城，捐奉爲戰守，練兵力守，得全。遷刑部主事，大恚，以結楊嗣昌，改職方，尋轉兵科給事中。上疏萬餘言，請裁驛遞、寺廟，劾大學士劉宇烈，一登、榆缺。王萬舉鄭三俊，迅劾萬把持朝政。上怒，罷宇烈、萬，以是廷臣爲之側目。郭廷臣好言兵者，任事輒債敗獲罪，遂更諱言兵。迅極言其弊，乞敕廷臣五日內陳方畧。帝是其言。會羽檄交馳，公私並誦，陳新甲慮上怒不測，又欲得上賞，奏使馬紹愉和清，不成。迅兵科給事中，一日與新甲御前面折，至漏三下。迅貫穿史事，善談說，詞義清辨，援古論今，言皆中宜，新甲伏地流汗無人色。已以薦高斗光爲鳳陽總督，謫南京國子博士。十六年冬起用，會北京亡，完髮家居。與弟迓立寫樂寨自保。鄉人多從之。以砲矢殺敵多。清兵陽退敗數里，夜使兵潛登陣，寨上人以刀截其手，卒不得上。問此何地？曰：「沈兵科山寨也。」是以清兵皆知迅，聞迅名，皆搖手咋舌不敢一言。後革守許因寨蓄器謀不軌狀，清以向者迅守寨拒三日夜不下，殺我士卒，名捕。母命服，偕其媳女，二十三人自經死。迅積柴草梅下，爇柴草，身穿吉服，北拜投烈焰死。

弟迓，字羽弟，短小精悍，馬上舞百斤鐵錐可飛。聞清兵至，與兄守寨三日，後一門十人皆殉。